



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Landfrancvs Ep. 3. Iulij.

urn:nbn:de:hbz:466:1-42032

rum subsidio porrò impendit, magno operæ præfio. Nam vidit nonnemo in altissimo monte (Olympum diceret) ab omni ætatis & sexûs hominibus palatium OTHONI è solidis gemmis adornari. Quid igitur superbia architectos toto orbe conquiris, ut cælum tibi in terris struas, quando obvios hos quotidie habes? Si nescis, cæci sunt, qui arcem rectè designabunt: claudi sunt, qui tam pulchra saxa conveyent; manci debilesque rectè absolvent, & in cælum tam nobile ædificium educunt. Ex, DD. Bamberg. Gretseri.

Dulcis Domini IESU memoria, ô juvenis! fra semper inhereat in mente tuâ: ut exercitationis tue cursus palma coronam accipiat. Tempus enim instat, in quo strenui præmia, ignavi ignominiam accipiant. S. Ephrem de Exercitatione.

S. LANDFRANCUS EP. 3. Iulij.

Nobiles curas LANDFRANCUS Papiæ Italiæ urbe habuit nobiliores nutrices, Musas. Harum in sinu non profanam modò, sed & sanctiorem sapientiam imbibit, ut *Lumè Magister* Theologorum jam tum audiret. Sed poterat hic Magister amplius in fortunæ ludo quid discere. Ecce enim dum Gallias petit, in uno omnes captivæ bonæ artes abducuntur. Tulit ægrè ab initio servitutem tam liberaliter educatus; obstrepentibus puto in vinculis, liberioribus, è novem, Sororibus. At rectius severiores monuere. Et, *nimirum, agebant, hoc tu fortuna didactrum etiam Magister debebas; discipulus sanè hujus, si in captivo liberum errare animum nescias. Si poëta, absolves fabulam: si orator, persuadebis animo deditionem. Iam Philosophus Orbem, etiam in hoc angusti*

carcere perambulabis; denique si Lumen es, si Magister, pulchrius in tenebris lucebis, & DEVM in vinculis laudabis. Ad hæc LANDFRANCVS tam cepit amare servitutem, ut amissus ex hac continuo canobio se mancipaverit, utque in scholâ tam sanctâ rectius proficeret, illiteratus videri voluerit. Sed Itali institores, quibus iter illâc erat, aperuere, quàm doctæ merces sub rudi cucullo latent. Itaque primò scholis, mox aceteriis, tum etiam Cantuariensî Ecclesiæ præfectus, anno M. LIX. nobilem hæreticum Berengarium, spectante & applaudente Româ, devicit. Triumphum tamen illi mors in annum LXXXIX. distulit. Ex Arnoldo VVion.

Hujus vita dulcedinem relinquentes, jam nunc de futuris sæculis quotidie cogitando etiam in hoc corpore prægustare conemur; & exclusâ de sensibus nostris secularium desideriorû amaritudine, quendam beatitudinis saporem cordibus nostris attrahamus. B. Cæsar. hom. 26.

S. VDALRICVS EPISC. 4. Iulij.

Mltum ætas tenera nutricibus debet, quæ lac dederunt; plus illis, quæ pietatem instillarunt. Ipse è cælo VDALRICVS adstipulabitur. Hunc puerum VViborada sanctissima virgo leviculè fortè cinctum castiore de lino cingulo donavit, jussitque primò liberioribus sermonibus nec linguam daret nec aurem; tum, quos mundus socios dicitur, hostes duceret; mollem Cupidinem cilicio absterreret, ejus flammis sub pectore grafsantibus, verbis Ecclesiæ in adiutorium DEVM exciret, simul digito in focum immisso incendiis in-